

**Mengenal Persekutuan Penderitaan Kristus
dan Dikonform kepada Kematian-Nya**

Bacaan Bible: Flp. 3:7-10; Yoh. 11:25; Ef. 1:19-20; Kol. 1:24

I. Paulus beraspirasi untuk mengenali persekutuan penderitaan Kristus—Flp. 3:10:

- A. Bagi Kristus, penderitaan dan kematian datang terlebih dahulu, disusuli kebangkitan; bagi kita pula, kudrat kebangkitan-Nya datang terlebih dahulu, disusuli berbahagian dalam penderitaan-Nya dan dikonform kepada kematian-Nya—ay. 10.
- B. Mula-mula kita menerima kudrat kebangkitan-Nya; kemudian melalui kudrat ini, kita dapat berbahagian dalam penderitaan-Nya, menjalani kehidupan ter salib, dan dikonform kepada kematian-Nya.
- C. Penderitaan Kristus terdiri daripada dua kategori: pertama, untuk menyempurnakan penebusan; ini telah dilengkapi Kristus sendiri; kedua, untuk menghasilkan dan membina gereja; ini perlu dipenuhi para dutus dan percayawan—Kol. 1:24:
 - 1. Kita tidak dapat berbahagian dalam penderitaan Kristus untuk penebusan, tetapi kita harus berbahagian dalam penderitaan Kristus demi menghasilkan dan membina Tubuh—bd. Wahi 1:9; 2 Tim. 2:10; 2 Kor. 1:5-6; 4:12; 6:8-11.
 - 2. Kristus sebagai Anak Domba Tuhan menderita untuk penebusan (Yoh. 1:29); Kristus sebagai biji gandum menderita untuk penghasilan dan pembinaan (12:24):
 - a. Tuan sebagai biji gandum yang jatuh ke dalam tanah, kehilangan hayat-sukma-Nya menerusi kematian supaya Dia dapat membebaskan hayat abadi-Nya dalam kebangkitan kepada banyak biji—10:11, 15, 17-18.
 - b. Satu biji gandum itu tidak melengkapi semua penderitaan yang diperlukan untuk pembinaan Tubuh; sebagai biji yang banyak, kita harus menderita sama seperti satu biji gandum itu—12:24-26:
 - 1) Sebagai biji yang banyak, kita juga harus kehilangan hayat-sukma menerusi kematian supaya kita dapat menikmati hayat abadi dalam kebangkitan—ay. 25.
 - 2) Inilah cara mengikut Tuan agar kita dapat melayan-Nya dan bergerak-hidup bersama dengan-Nya dalam jalan ini, iaitu jalan kehilangan hayat-sukma kita dan hidup dalam kebangkitan-Nya—ay. 26.
 - 3) Jalan untuk gereja dihasilkan dan bertambah bukan melalui kemuliaan manusia, tetapi melalui kematian salib—ay. 20-24.
- D. Terdapat perbezaan antara penderitaan untuk transformasi kita dengan penderitaan untuk Tubuh—2 Kor. 3:18; Flp. 3:10; Kol. 1:24:
 - 1. Kata-kata Paulus dalam Filipi 3:10 bukan merujuk kepada penderitaan untuk transformasi.
 - 2. Jika kita membandingkan 3:10 dengan Kolose 1:24, kita akan melihat bahawa penderitaan yang dibicarakan oleh Paulus dalam Filipi 3:10 ialah penderitaan yang memenuhi kekurangan daripada kesengsaraan Kristus bagi Tubuh.
 - 3. Dalam Kolose 1:24, Paulus menganggap penderitannya sendiri sebagai memenuhi kekurangan daripada kesengsaraan Kristus bagi Tubuh-Nya.
 - 4. Penderitaan Kristus bagi Tubuh-Nya masih berlangsung, dan kita perlu berbahagian dalamnya—Flp. 3:10; bd. Kis. 9:4-5.
 - 5. Apabila kita menderita untuk Tubuh, kita mengalami kudrat kebangkitan Kristus—Kol. 1:24; Flp. 3:10.

II. Dalam Filipi 3:10, Paulus berbicara tentang “dikonform kepada kematian-Nya”; ungkapan ini menunjukkan bahawa Paulus berhasrat untuk mengambil kematian Kristus sebagai acuan kehidupannya:

- A. Keunggulan pengetahuan terhadap Kristus, mengira segala sesuatu sebagai kerugian, beroleh Kristus, didapati berada dalam-Nya, mengenali-Nya, mengenali kudrat kebangkitan-Nya, dan mengenali persekutuan penderitaan-Nya, semuanya menghasilkan satu perkara—dikonform kepada kematian Kristus—ay. 7-10.
- B. Dikonform kepada kematian Kristus menunjukkan bahwa kematian-Nya ialah suatu acuan—ay. 10:
1. Pusat Filipi 3 ialah perihal dikonform kepada acuan kematian Kristus—ay. 7, 9, 12-16.
 2. Kita telah diletakkan ke dalam acuan kematian ini, dan kini kita perlu dikonform kepada acuan ini—Gal. 2:20; Roma 6:3-5.
 3. Kudrat hayat kebangkitan Kristus dalam kita memimpin kita, membawa kita, menopang kita, dan meletakkan kita ke dalam acuan kematian Kristus—Yoh. 11:25; Ef. 1:19-20.
- C. Acuan kematian Kristus merujuk kepada pengalaman Kristus yang terus-menerus mematikan hayat insani-Nya agar Dia dapat berhidupkan hayat Tuhan—Yoh. 6:57a:
1. Apabila Tuan Yesus berada di bumi, Dia menjalani kehidupan tersalib; dengan menjalani kehidupan tersalib, Dia hidup terhadap Tuhan dan berhidupkan-Nya—Gal. 2:20; 3:1; 5:24.
 2. Dia sentiasa mematikan hayat insani-Nya agar hayat divin dalam-Nya dapat mengalir keluar—Yoh. 10:10b-11, 17.
 3. Semasa Dia hidup, Dia juga sedang mati—mati terhadap ciptaan lama untuk berhidupkan hayat dalam ciptaan baru; inilah makna “kematian-Nya” dalam Filipi 3:10.
- D. Dikonform kepada kematian Kristus bererti mengambil kematian Kristus sebagai acuan kehidupan kita—ay. 10:
1. Kematian Kristus ialah suatu acuan agar kita dikonform kepadanya, sama seperti adunan diletakkan ke dalam acuan kek dan dikonform menjadinya.
 2. Tuhan telah meletakkan kita ke dalam acuan kematian Kristus, dan hari demi hari Tuhan membentuk kita untuk mengkonform kita kepada kematian ini—Roma 6:3-4.
 3. Kehidupan kita harus dikonform kepada acuan ini—mati terhadap hayat insani kita untuk berhidupkan hayat divin—Gal. 2:20; 2 Kor. 4:10-11.
 4. Jika kita mematikan hayat alamiah kita, kita akan menyedari bahawa kita mempunyai satu lagi hayat, iaitu hayat divin, dalam kita; hayat ini akan dibebaskan, dengan itu dalam pengalaman kita akan dikonform kepada kematian Kristus—Yoh. 10:10b; 1 Yoh. 5:11-12.
 5. Dalam acuan kematian Kristus, manusia alamiah dibunuh, manusia lama disalibkan, dan diri dimansuhkan—2 Kor. 4:16; Roma 6:6; Mat. 16:24.
 6. Jika kita membenarkan sekitaran kita menekan kita ke dalam acuan ini, kehidupan harian kita akan dibentuk menjadi bentuk kematian Kristus—Roma 8:28-29.
- E. Satu-satunya jalan untuk memuliakan Tuhan ialah dikonform kepada kematian Kristus; semakin kita dikonform kepada kematian Kristus, semakin kita memuliakan Bapa—Yoh. 12:28; 13:31.